



05 NOV, 2024

UNITEN Perkasa Pelajar dengan Teknologi Pembelajaran Terkini Melalui Confirm AI

Sinar Harian, Malaysia



UNITEN Perkasa Pelajar dengan Teknologi Pembelajaran Terkini Melalui Confirm AI

OLEH: PROF. MADYA DR. MOHD AZREE

PUTRAJAYA- Universiti Tenaga Nasional (UNITEN) telah memperkenalkan inovasi pembelajaran digital bernama Confirm AI (*Cutting-edged Online Learning System for Individual Recognition and Motivation powered by Artificial Intelligence*) untuk pelajar sekolah. Dikenali sebagai "Mastery Based Learning," Confirm AI menyesuaikan soalan mengikut prestasi setiap pelajar. Sejak diperkenalkan pada 2012, lebih 50,000 pelajar dari 1,276 sekolah di seluruh Malaysia menggunakannya.

Tenaga Nasional Berhad (TNB) turut menyokong pengembangan Confirm AI dengan menaja penggunaannya di 35 sekolah terpilih sejak 2016. Sokongan ini bertujuan untuk meningkatkan akses kepada pendidikan berkualiti dan memperkasa sistem pendidikan negara.

Keunikan Confirm AI terletak pada kecerdasan buatan yang menyesuaikan soalan pembelajaran dengan tahap kemahiran pelajar. Ini membolehkan setiap pelajar menerima cabaran yang sesuai, meningkatkan prestasi akademik secara berterusan. Puan Nor Hainei Binti Abu Bakar, mantan guru besar SK Jalan 3, Bandar Baru Bangi, dan merupakan Tokoh Guru



Datuk Seri Dr. Wan Azizah Wan Ismail, Ahli Parlimen Bandar Tun Razak, di Majlis Pelancaran Program Tuisyen Secara Dalam Talian Confirm AI, Sekolah Menengah Teknik Kuala Lumpur.

Kebangsaan 2020, menyatakan sistem ini telah meningkatkan prestasi pelajar secara signifikan.

Confirm AI menawarkan pendekatan latihan tubi yang direka khas untuk mempersiapkan pelajar menghadapi peperiksaan SPM. Setiap kali pelajar membuat kesilapan, AI akan menilai kesalahan tersebut dan menyediakan soalan serupa untuk menguji pemahaman. Proses ini mengasah kemahiran pelajar dengan lebih mendalam dan menekankan aspek kelemahan mereka. Seluruh latihan juga diselaraskan dengan format KSSR dan KSSM, menjadikannya alat persediaan yang komprehensif dan efektif.

Prof. Ir. Dr. Khairul Salleh Bin Mohamed, Naib Canselor UNITEN, menegaskan komitmen berterusan universiti terhadap pembangunan pendidikan negara melalui Confirm AI diharapkan dapat membantu menyumbang kepada peningkatan prestasi akademik pelajar di seluruh Malaysia, tanpa mengira lokasi atau latar belakang sosial mereka. Penggunaan sistem ini dijangka merapatkan jurang digital dalam pendidikan dan menyediakan generasi muda Malaysia untuk menghadapi cabaran Revolusi Industri 4.0.

Confirm AI bukan sekadar alat pendidikan malahan ianya adalah langkah ke hadapan yang penting dalam menggerakkan sistem pendidikan negara ke arah pendidikan digital yang unik serta berkesan.



Semasa Majlis Perasmian Sekolah Angkat Yayasan Amal Tenaga.